

Uunga siunnersuut: Inatsisartut Ombudsmandiata 2018-imut ukiumoortumik nalunaarutaata Inatsisartunit tusaatissatut tiguneqarnissaanik Inatsisartut aalajangiiffigisas-saattut siunnersuut.

(Inatsisinut Ataatsimiititaliaq)

Akissuteqaat

(Naalackersuisut Siulittaasuat)

Siullermeerneqarnera

Aallarniutigalugu ombudsmandip 2018-imut ukiumoortumik nalunaarutaanut aammalu ombudsmanditut atorfimmini suliarisimasai pillugit ombudsmandi qutsavigerusuppara.

Naalackersuisut nalunaarusiaq soqutiginarfillugu atuarpaat Inatsisitigullu aalajangersagaanngitsumik naammagittaalliornermut atatillugu qitiusumik allaffeqarfimmi oqartussat aaqqissugaanerat Ombudsmandimit immikkut isiginiarneqarsimanera maluginiarlugu.

Tassunga atatillugu oqartussat aaqqissugaanerannut takussutissaq Naalackersuisut nittartagaanni saqqummiunneqarsimanera ilisimatitsissutigineqarsinnaavoq. Immikkoortortat naalackersuisoqarfimmiittut naalackersuisoqarfimmut ilaasutut isigineqarnersut imaluunniit naalackersuisoqarfiup pineqartup ataani immikkoortortatut namminersortutut isigineqarnersut tassani takussutissami takuneqarsinnaavoq.

Naalackersuisut taamatut oqaaseqarlutik Inatsisartut Ombudsmandiata 2018-imut nalunaarusiaata Inatsisartunit tusaatissatut tiguneqarnissaa taperserpaat.